



毓桂署

977592



窗幾度憐相思字。慣噓將几潤。劃與伊看。夜來慵  
醉。思眠認周昉圖中意態。閒更吹花氣。頓因誰內熱。  
調箏指澀。恁耐初寒鬱。恨含吁。撓肩引笑。約略微聲  
隔幔。傳宮嬪侍記。香生綵筆。詔罷青蓮。

金縷曲

七夕坐秋華。吟館露瑟風爽。天媚水明倚湘  
奴歌金縷衣。悄然有遠思。不自知其安極。湘  
奴者余自製紫竹簫名也。

酒幕空涼。貯颭遙山羅雲一角。月鉤銜去。洗手花肥  
桐葉瘦。悄極銀屏香露。逗院落。兩三人語。自卷湘簾  
橫紫佩。唱西風。紈扇。扇嬾句。淒切和畫城杵。雕陵  
鶻駕雙曾度。小紅樓。玉潢高貼。夜深儂。汝菡萏煙塘  
螢鬧。後三十六。鴛飛舞。結多少。同心臂。縷鬢泥瓜。鐙  
釵影。綠定個人。今夕愁添許。盈盈隔大江路。

石州慢

詠柳

縷縷毵毵。雨織煙梳。月斜風整。陌頭消息。潛催樓上  
韶華。誰省舊家蘇小。淒涼一面。西湖年年。只有鶯來  
問。不肯繫春愁。恁者般消損。閒趁。喧紅鬧綠。油碧  
帷車。桃花。鞦鐙一例。輕狂未改。少年心性。蘼蕪天際。

又堪玉笛聲殘夕，陽如畫，流波眼亂絮滿江南。盪相思無影。

夢橫塘

道羈胥口夕雨薄，止循隄散步，浩景與愁爲誦。王右丞此夜任孤櫂，客行殊未還之句。

斷虹銜夕，畫水橫秋，片帆搖轉，迴港雁，悄無聲。帶幾葉荻蘆來往，千里懷人，半生愁別。此時情況，又絲絲一笛爲若低吹，漁扉遠，簫鏡上。明朝艤櫂東歸，問芙蓉江，淑柳色無恙，去去西風定，換了一番蕭爽。我欲覓棲鷗，閒去，悄地新藍潑羣嶂，露下煙沈，月明朝，起儘無窮蒼莽。

續選

三

浪淘沙

鴛湖曉泊

人語響遙汀，酒榎魚舫，湖煙湖雨曉冥冥。宛轉楊花何處，笛畫閣春城。雲色似山青，返影空明，鴛央飛去，悄無聲。料得孩兒橋畔路，蓮葉初生。

金縷曲

寄花朝生作也。花夢未闌，春人欲別，免絲鳶蘿之什，何以爲情。燕南雁北之詩，不堪卒讀。聊續杜秋孃之韻，以當河滿子之聲。

麝火山鑪炷拂琴蟬玉絲響鳳怨聲何許寄語東風  
吹遠遠莫弄柳邊柔絮好迴護嬌鶯織羽況未春闌  
到三月忍看伊和水飄零去怕正急渡頭雨 抱心  
似蕙通微苦拍闌干一番躊想一迴酸楚芳草輕煙  
桃葉漿爲我約春暫住總早晚是春歸路寒榻荒鐙  
詩鬢瘦更何堪添寫離筵句君不見茂陵樹

壺中天

烏篷船

曹娥東去盪鸞環百里越江如鏡風好宜帆風定緯  
觸荻乍聞笳管蠹口停沽溪頭看滌偏袖春波冷芒

續選

四

蘿天末晚山送到眉影 還愛嬌小魚娃舵樓罷飯  
照水斜兜鬢采采菱花新水調我已年來慣聽槳碧  
拖煙舫紅扣月客夢浮能穩西陵樹色雁邊漸漸移  
近

王錫振

字定甫馬平人有茂陵秋雨詞

絳都春

梅雨用日湖漁唱譜

庭陰罨靄把好春斷送露悴煙憔悴點滴未閒夢雲依  
舊惜飄搖簾衣潤重鑪香裊暮來還更瀟瀟小窗幾

日殘英落盡濃綠生條 何處凭高望遠悵螺峯半  
隱帶水空迢昵語弄晴衝泥歸燕又新巢吳歛淚暗  
胭脂老玉華愁漬紅綃柳眉深鎖斜陽夢斷四橋

疏影

舟中用草窗韻

菰蒲亂葉正四橋水滿雙槳催發病目指餘權擊空  
明愁見煙飛雲滅閒時臥舫吹簫客賸瘦影花前寒  
蛭怕鬢痕蘸落濃青一桁柳絲堪折 行盡東南佳  
勝又平湖窈窕千頃如雪想得扁舟散髮飄然姚冶  
幾多風月封侯未準身先老但暗惱雲衣重疊問洞  
庭結屋誰家買斷玉峯幽絕

續選

五

西子妝

楊補凡簪花圖幀往年得之京師病餘檢視  
行篋猶未損黦漫題此調

曲水潺湲鳳臺蕭瑟過眼流光如箭曉妝人倚露華  
鮮問娉婷那時誰見鸞綃自展祇當日眉痕全嬾認  
微谷感舊情如夢思量都倦 芳懷斂零落殘縑拂  
拭輕塵掩晚天疏雨過簾櫳挂西風夕陽庭院愁深  
夢淺問抵得桃花人面賸淒迷省識春風未遠

倦尋芳

邵位西員外書來卻寄

晚秋天氣羈旅心情愁病誰遣朔雁聲中拋引舊情  
如綫被西風吹斷也蘆花蓼葉汀洲遠最無聊是摧  
殘錦羽夜寒霜岸 暮迴首東華春讌桃李無言九  
陌塵淺彈指光陰禁得水流雲散人世歡場須暫得  
風流何況西園宴問猶能待竹裏夜燈重翦

夢芙蓉

衡陽行館夢子穆作因寄子石

微薰迎醉臉泛沙棠底處兩頭簫管曉窗孤村猶對  
故人面嶽峯雲外展幾時蕭莽都徧馭氣來游定相

續選

六

逢笑我書授白猿晚 久別相如病嬾小字雙緘寄  
我江南岸傳車歸駕人已玉樓返野藤荒峽斷故山  
花鳥零亂夢入經年料唐衢淚忍還念紫簫伴

水龍吟

金梁夢月詞人寄示鴻雪詞鈔意極珍重因  
錄瘦春詞草卻寄媵以此調金梁詞殆張伯

羽後一人而已

素琴絃上秋風斷無人處尋煙語鈞天何在銷沈片  
玉幾人閒譜冰雪天寒雁鴻聲緊斷腸愁句正金門  
歸晚雲媵飛下遙空色黯如許 猶憶鸞驂導客對

山城戟門花午錦袍明月清尊華燭替傳騷楚多病  
相如天涯老矣茂陵秋雨趁蘋洲無恙春來玉笛聽  
相思度

黃燮清

字韻甫海鹽人有拙宜園詞

卜算子

湖樓

樹杪曲闌迴檐底斜陽冷嬾娜春風欲上樓吹得煙  
鬟醒 生小太癡愁閒恨何曾省手釧鉶縱響一聲  
笑捉楊花影

續選

前調

辛苦爲尋春爭奈春歸速流水盈盈不見人煙雨封  
簾角 別緒總無聊前夢真難續芳草垂楊共一隄  
各自傷心綠

齊天樂

秋燕

烏衣瘦損來時影天涯豔游應徧玉樹荒煙金陵賸  
粉惆悵舞裙歌扇閒拋翠翦弔六代斜陽故侯宮苑  
冷入江南一襟疏雨暮愁遠 愔愔芳事易了早梧  
桐墜葉風露催晚草信霜前楊花夢裏涼煞綺羅深



院紅絲待餞算客久思歸幕巢棲倦落盡香泥月殘  
簾未卷

前調

七月既望偕陳湘漁作敬吳研仙廷燮兄蓮  
舫西湖泛月

飄然頗有淩雲氣長空乍收昏靄露溼衫邊星黏樹

隙清得游人無奈銀河玉去海怕今夜嬋娟等閒涼

壞權入西冷水窗一半柳陰蓋中流來去自在河

簫吹斷續如聽仙籟時湘漁吹洞簫數曲零碎飛螢惺忪倦鷺

秋在紅芙蓉外花枝細擺儘無數幽香畫船輕載醉

續選

我煙波五更歸思嬾

滿江紅

語溪道中

小別杭州煙樹外亂山眉蹙怕回首酒香燈炮粉紅  
囊綠斜月半篷詩境冷西風兩岸秋聲足騰前宵殘  
夢不曾完今宵續絃舊緒囊中玉飄瘦影窗中燭  
望吾廬何處碧雲脩竹越水蘊鱸歸計得吳娃絲管  
鄉音熟唱南湖三十六鴛鴦相思曲

疏影

順河集旅店夜發

春星暈碧數漏聲。點點催動行色。剔盡鐙花扶上車。  
帷碾碎荒原殘月。夢痕已是無憑據。況翠被五更寒。  
力到此時縱不思鄉。也有幾分愁絕。 驀憶添香豔。  
刻玉人護半臂。何限情切。漸近紅塵。漸遠紅樓好事。  
天涯難覓。祇餘馬首金鈴響。似亭院惜花時節。恨燕  
鶯不渡江來。斷了綺羅消息。

西子妝

白蓮

瘦怯凌波嬌憐。試粉破曉湖煙初醒。嬋娟隔水淡無  
言。照相思一險。清鏡綃裳乍整。算丰致洛妃還稱弄。

續選

九

明珠問佩環。月平下。可堪持贈。銀塘靜白石闌干。  
雨洗殘妝靚。玉人睡起。卷簾看蕩微風。扇羅香冷。秋  
魂自警。歎心素閒鷗。難省倩誰來描寫。愁痕夢影。

浪淘沙

秋意入芭蕉。不雨瀟瀟。閒庭如此好涼宵。月自纏絲  
花自媚。人自無聊。別恨幾時銷。認取紅綃鳳箏音。  
苦雁書遙。醒著欲眠。眠著醒。鐙也心焦。

南浦

詠水仙和錢筱南茂才符祚韻

綺窗晴雪看天涯。又漏一絲春。略有冬心未褪。還借

獸鑪溫已是經年，離別倩冰奩重照舊啼痕。悵銖衣  
寒峭，銀鐙夢淺無賴，是黃昏。曾記元宵樓閣采明  
珠，點染倚闌人。卷起瀟湘簾子，流水認前身，忽忽芙  
蓉遠道。望煙波江上，總銷魂。想顰妝、驪影攜琴寫怨。  
殘月下重門。

陳元鼎

字實庵，錢唐人有。鴛鴦宜福館吹月詞。

菩薩蠻

苔裊繡轅芳塵膩，一庭暖日浮花氣。花擁小樓高，錦  
屏春夢遙。東風吹不綠，柳葉雙蛾蹙。檢點縷金箱，

續選

舊時羅帶長

踏莎行

睡鴨煙霏，翔鴛月擁，碧蕪庭院新寒重。一雙魚鑰鎖  
春深，夕陽紅在闌干空。悶裏杯銜閒中笛，弄鎖魂  
時節，無人共冷香。吹淚落池塘，東風不醒楊花夢。

解語花

夾竹桃

交花互葉，綠意紅情，名士傾城伴。去年人面相逢處，  
惟有此君曾見。緋霞護暖，憐翠袖未經寒。慣從避秦  
家，傍仙源報與平安便。偎倚香深，笑淺看酣添潮。

暈斜帶煙，輒淚斑難浣。胭脂瘦，應爲再來劉阮。元都  
夢遠，休更被碧雲遮斷。三兩枝重補，番風留一庭春  
滿。

賣花聲

魏塘舟宿

新水短，長橋帆影迢迢。綠楊陰裏，慣停橈。春夢零星  
流不去，多事迴潮。冷雨又飄蕭。酒醒香消，清詞琢  
就更無聊。卷起海紅簾，底月獨自吹簫。

三姝媚

垂過鏡鬟閣書感

續選

十一

湘匳冰翠展，漬妝臺。脂痕粉痕，零亂洞戶。油窗問唾  
絨題墨，豔懷誰管。笑靨東風空想，象桃花人面。蛺蝶  
飛來猶戀餘香，玉階尋徧。春夢雲屏原短，但怪得  
當時等閒拋。斷淚染筠牋，寄舊情。唯有鑰魚，箏雁未  
忍流連。偏立盡斜陽，庭院漫說煙江。雙槩隨潮去遠。

霜葉飛

賣關山多故，儔侶言歸，誦文通別賦。正不獨黯  
然魂銷也。

凍雲橫野，霜風迅嚴，城殘角催夜。暝晴賓雁趁南飛。  
正素秋將謝，想獨客情懷倦也。江關詞賦，今無價問。

繡陌垂楊自送別雕輪去後空繫征馬 遙念故國  
湖山沈沈烽火甚日還共游冶綺羅池館付殘陽況  
酒盟詩社看落月梁閒漸下相思顏色從誰寫待寄  
將淒涼意怨笛聲高淚珠濃瀉

鬲溪梅令

題畫

月華如水掩重門正黃昏竹外梅邊銷盡舊時魂袖  
羅寒一春 畫屏吹瘦楚臺雲夢誰溫只許相思不  
許便相親淚痕衣上新

綺羅香

續選

三

茜帶愁寬蘭衾夢窄離緒被春催起十二鶯屏不見  
舊時羅綺候芳信燕子來初卜歸期鼠姑開未念冶  
游近日偏慵碧苔門掩小窗閉 雲邊何處消息試  
上高樓望遠錦帆千里便寫蠻箋已少綠波雙鯉難  
自遣病酒心情共誰賞釀花天氣向斜陽倚徧雕闌  
好風吹第幾

邊浴禮

字袖石任邱人有空青館詞

八聲甘州

清暉書院面城枕河荷塘十餘畝紅香冶麗

擅一郡之勝。頃因歲旱，塘涸亭臺未改，游屐漸稀。余以戊戌九秋，挈桐鄉勞介甫南樂段筠坡同來訪之。天空沙闊，四顧蕭然。黃蘆有聲，髡柳餘碧。因填此調以酬寂寞。並誌游蹤。渺空蒼望，極情無人。高樓與雲平，正煙霾斂盡。殘陽倒射，紺瓦朱甍，曲徑霜蕪，暈綠溼葉。慘漁汀，便有江湖思。畫舫低橫，一自凌波佩解，悵重尋勝引。難賦紅情，任泉枯石瘦，臺榭鎖幽清。賸愁人衰楊幾樹，裊長隄，吹老舊秋聲。西風緊，一繩涼雁，瞥過荒城。

玉漏遲

續選

三

短亭攀稚柳，宮腰一捻碧絲千。紺香絮茸茸，都是相思。搓就忍憶鶯邊，訴別幾折，贈黃苗，纖手分攜。久薄寒天氣，中春時候，底事飄泊江潭。對此樹依依，繫情偏又。顫淚凝珠，滴滿翠尊瓊酌。天遠秦樓甚處，料靜夜難乾。蛾袖催人，瘦歸鴉，數聲低咒。

齊天樂

春流碧玉微茫裏，扁舟繫來疏柳。綃帕圍香，羅襟搵翠，記得得臨歧攜手。離腸暗逗，分萬斛相思，各天消受。犀押簾空，靚妝還似別時否。丁沽珥，權重問紅芳，歌吹遠，樂事難又。巷冷銅駝，箏閒金雁，何限傷今感。

舊年華水溜只老去劉郎不禁傷憊試問歡場夢中  
誰最久

雙燕

用史梅溪韻

杏梢粉墜糝一珠春愁畫泥香冷烏衣舞舊怯伴曉  
鶯飛並自別風簾露井便栖也何曾栖定幾回覺徧  
巢痕塵鎖茜紗窗影花徑苔紋絲潤忍忘了盧家  
玉容嬌俊海天寥阻微雨織成新暝何處雕梁睡穩  
好盼到社前歸信省他十二朱樓鎮日澹妝人凭

八聲甘州

續選

八簪金改之

古

灑東風別淚溼征衫北游挂煙帆似靈均初放楚吟  
騷屑愁滿江潭一路沙虛月冷風水換郵籤對訴飄  
零感檣燕呢喃說與依人滋味便侯鯖飽喫難療  
清饒且籌花門酒翠管戲分拈望揚州夕烽傳警暗  
關情十里舊珠簾尊前意寫烏絲句分付何戡

高陽臺

粉萼飄瓊碧簫吹玉故鄉回首天涯千里英游片帆  
鷗外春沙孤尊醉倚悲岐路悔虛名輕誤才華漫憑  
高滿眼秋陰滿耳邊笳征鴻過盡書難寄裊半襟

涼思樓月西斜料得深閨寶釵別碎銜花百年幾許  
團樂日甚詞人偏愛離家暗消凝霧閣雲窗窈窕紋  
紗

唐多令

蓮亭晚坐

翠露罨煙汀柔波翦綠萍趁花花葉葉亭亭一捻斷  
霞嬌不散漸紅上鷺絲翎 照影惜娉婷鷗寒夢未  
成悵銅盤鉛淚零星鬢鬢昨宵疏雨滴潛倚著畫闌  
聽

蔣春霖

續選

字鹿潭江陰人有水雲樓詞

五

一萼紅

清明前一日偕周蓮伯散步城北紅日已西  
乃至虹橋復買小舟過桃花庵蓮性寺煙水  
淒然游人絕少共溯洄者漁船三兩而已

趁春晴步前汀未晚舟小感波行抱樹谿鸞眠沙石  
老芳草隨意青青乍驚起閒鷗短夢伴落日三兩櫂  
歌聲水曲豪箏柳陰叢笛那處重聽 多少夕陽樓  
閣倚闌干不見空見流鶯螢苑星繁虹橋月豔還記  
玉輦曾經自湖上游仙事杳問桃花又過幾清明賸



取淒煙楚雨愁畫蕪城

木蘭花慢

江行晚過北固山

泊秦淮雨霽又燈火送歸船正樹擁雲昏星垂野闊  
暝色浮天蘆邊夜潮驟起暈波心月影盪江圓夢醒  
誰歌楚些冷冷霜激哀絃嬋娟不語對愁眠往事  
恨難捐看莽莽南徐蒼蒼北固如此山川鈞連更無  
鐵鎖任排空檣艣自回旋寂寞魚龍睡穩傷心付與  
秋煙

探春

續選

六

已酉秋莫飲於珠谿奉觴人頗似阿素霧鬢  
風鬟飄零亦相若也感成此解

墮葉紅腴疏苔綠倦年華輕換箏柱玉病禁秋花嬌  
媚晚燭底鬢添涼霧縹緲驚鴻影似乍見春風前度  
暗憐舞褪絲楊鏡中消瘦眉嫵蘇小芳顏認否甚  
油壁歸來偏恨遲暮帶眼移香琴心記夢鉛淚也無  
重數寒雨連江夜莫更把琵琶低訴明日相思峭帆  
還挂愁去

踏莎行

癸丑三月賦

叠砌苔深遮窗松密無人小院纖塵隔斜陽雙燕欲  
歸來卷簾錯放楊花入 蝶怨香遲鶯嫌語澀老紅  
吹盡春無力東風一夜轉平蕪可憐愁滿江南北

虞美人

金陵失秦淮女子高藥陷賊中數月今春見  
於東淘愁蛾蓬鬢不似舊時矣

風前忽墮驚飛燕鬢影春雲亂而今翻說羨楊花縱  
解飄零猶不到天涯 琵琶聲咽玲瓏玉愁損歌眉  
綠酒邊休唱念家山還是兵戈滿眼路漫漫

風入松

續選

七

昔夢重尋春情非舊絲竹中年歲華自惜東  
澤綺語債亦將借此銷除也

彎環綠水抱西城小舫臥聞鶯櫻桃樹底春衫薄倚  
紅樓偷聽調等心事花開花謝閒愁潮落潮生 夕  
陽江上數峯青煙草暗離亭風懷老去如殘柳一絲  
絲漸減春情重寫綠窗舊夢酒闌渾不分明

臺城路

金麗生自金陵圍城出爲述沙洲避雨光景  
感成此解時畫角咽秋燈餓慘綠如有鬼聲

在紙上也

驚飛燕子魂無定，荒洲墜如殘葉。樹影疑人，鵝聲幻  
鬼，欹側春冰途滑。頽雲萬疊，又雨擊寒沙亂鳴。金鐵  
似引宵程，隔谿燐火乍明滅。江閒奔浪怒湧，斷笳  
時隱隱，相和嗚咽。野渡舟危，空村草溼，一飯蘆中淒  
絕。孤城霧結，賸羅網離鴻，怨嗁昏月。險夢愁題，杜鵑  
枝上血。

渡江雲

燕臺游迹，阻隔十年，感事懷人。書寄王午橋  
李閩生諸友

春風燕市酒旗亭，賭醉花壓帽簷香。暗塵隨馬去，笑  
擲絲鞭，壓笛傍宮牆。流鶯別後，問可曾添種垂楊。但  
聽得哀蟬，曲破樹樹，總斜陽。堪傷。秋生淮海，霜冷  
關河，縱青衫無恙，換了二分明月一角滄桑。雁書夜  
寄相思，淚莫更談天寶淒涼。殘夢醒長安，落葉嗁鶯。

續選

八

詞律此調作一百字，恙韻絲  
換仄叶，下句當作上三下四

點絳脣

記倒離尊，斷崖野樹圍孤店。翠帘風黯，客去春寒減。  
雁背征帆，漸斜陽淡歸程暗。舵樓燈閃，猶繫東

湖纜

西子妝

爲金鷺舸紀海陵繫纜本事

山暈眉青波揩鏡曉燕靜依柔艣戲圈楊柳作連  
環印香心畫橋雙樹紋窗泥語渾不怕鴛鴦聽取趁  
春潮喚桃根桃葉江頭歸去深盟誤一夢成煙卷  
入東風絮繞船三月落花多是千點淚痕紅聚淒涼  
畫譜待呼起春魂重訴亂箏絃幾陣疏篷暗雨

臺城路

易州寄高寄泉

兩年心上西窗雨闌干背鐙敲徧雪擁驚沙星寒大  
野馬足關河同賤羈愁數點問春去秋來幾多鴻雁

續選

九

忘卻華顛昔時顏色夢中見青衫鉛淚似洗斷笳  
明月裏涼夜吹怨古石欹臺悲風咽酒罷哀歌難  
遣飛花亂卷對萬樹垂楊故人青眼霧隱孤城夕陽  
山外遠

承齡

于胡魯氏字子久吉林人有冰蠶詞

蜨戀花

日日江樓還獨凭湖去潮來舊恨難重省百折千回  
流不盡斜陽一桁珠簾影海燕歸時花徑暝月色  
銀黃照見雙栖穩一霎春寒催酒醒春來料理傷春

病

金縷曲

蠟淚

莫翦燈花穗。地啼痕無情有恨。畫堂秋思待把碧紗  
深深護。又被斜風吹起。更不管玉釵顛顛斗轉參橫。  
人將去暗相和銀箭。翻濤水點點是別時淚。華筵  
似夢從頭記。記春江微歌說劍。六朝游戲。十萬驅龍  
珠齊吐。分照花天酒地。賸狼藉堆階紅膩。結客歸來  
黃金盡。燕香心伴我脩眉史。誰忍賦短檠棄。

臨江仙

續選

三

往事零星難記。省思量。常是經年酒濃香帶。困人天  
綠雲斜壓一枕。夢初圓。芳徑繡屏都未改。只應閒  
了秋。千微波重與致。纏絲。驀然驚斷歸燕。蹴筇紉。

陌上花

畫曉

青陵怨魄。年年還舞。廿番芳信。偶倚東風。那管畫長  
花困錦叢。儘許秦宮活。猶自栖香。難穩。又天涯。綠徧  
怎生禁得。燕捎鶯趁。露濃春有暈。蠻箋揭。就幾許  
六朝金粉。草色裙腰。誤認過牆雙影。是誰小撲。輕羅  
扇惹起。落紅成陣。望羅浮路杳。漆園尋夢者。回應準。

湘春夜月

爲蘭舟賦

隔窗紗怎知人在天涯別日嫩柳搓絲應是解藏鴉  
一樣燕簾鶯戶把亂紅吹徧定向誰家但綠章乞取  
輕寒勒住前度桃花紅牆銀漢忽忽又是清淺浮  
槎錦鯉殷勤偏暗遞故園春信催送年華丁香結就  
笑雨風依舊天斜認瘦影怕歸來萬一春山翠減團  
扇羞遮

雙雙燕

白燕

續選

三

玉釵股上共么鳳輕搖舊時曾見鉛華淨洗漫問漢  
家宮殿催得柳明花暗掠飛絮風前零亂留他月影  
雕梁屬付晶簾休卷芳院梨雲片片正蛺粉初乾  
莫拋雙翦傷春人老憔悴雪香煙暖翻妒愁痕太淺  
想一縷紅絲猶羅樓中縱有春風也恐鬢華早換

蔣敦復

字劒人寶山人有芬陀利室詞

露華

苔痕用玉田體

玉階豔冷認翠亭一角石瘦空青相思不見更無人

處潛行閒繞碧蘿荒磴霜蒼煙夕照猶凝愁細碎蝸  
涎砌斷蠟粉牆傾 寂寂朱門深鎖歎繡澀瓊蕤鴛  
瓦霜棱遙岑又阻寸心莫負芳盟黏袖石華紺唾暈  
花甌殘淚紅冰尋舊迹昨平宵鳳鞵露零

憶舊游

小魯故鄉無此好湖山長卷

記金牛湖上門對青山畫閣停橈一抹疏籬影正初  
三碧夜第六紅橋垂楊尙有幾樹瘦過沈郎腰恁負  
了盟鷗萍花散也目斷春潮 迢遙故鄉住祇唱到  
吳孃暮雨瀟瀟相別相思地算西湖西子一樣魂銷  
消磨兩處風月殘夢話漁樵待縛箇茅庵閒尋野笠  
攜短瓢

雙雙燕

白燕用梅溪韻

舊王謝巷訝不似烏衣一襟紅冷翩然淡素鴉點夕  
陽難並今夜月明露井恁寂寂花陰不定黃昏翦破  
春愁十二珠簾無影 香徑苔痕碧潤記扶上鞦韆  
玉人嬌俊瑤臺歸去一路絮飛煙暝休喚梨雲夢穩  
道不如雙棲誰信腸斷罨畫樓西日暮縞衣獨凭

解語花

花魂從片玉

綃輕蘸夢笛瘦黏愁一片迷香霧畫堂銀燭春如海  
脈脈此情不語繁華易誤空占斷二分荒土莫夜深  
環佩人來幾點蕭疏雨誰省芳蹤倦駐散銖衣仙  
麝瑤島歸路玉笙吹徹招難下帝子碧雲何處珠簾  
卷去還只恐蜨欺蜂妒恨別來天上人閒早亂紅無  
主

揚州慢

茸城北郭外一蘭若往時余以方外服結社  
於此壁閒得薰香光與草衣道人石刻殘字

續選

三

案道人姓王名微字脩微往來峯泐從高人  
韻士游亦奇女子也因名是庵曰脩微雷約  
軒作脩微庵志謂余實發其端不可無言乃  
依白石自度腔次張嘯峯學博韻

脩竹茅庵疏鐙禪榻當時曾下南州又江湖去也聽  
夜雨孤舟莫重認荒苔斷石美人何在雲散風流想  
黃紵入道十年一夢紅樓玉梅萬樹醉香魂西子  
湖頭算花月因緣人天慧福難得雙脩小劫華鬢過  
了情禪破綺恨都收祇香光多事飛鴻殘雪痕留



咸豐乙卯得孫月坡先生七家詞選祕之篋衍四十  
餘年矣偶遇同志出以相賞江山劉彥清長洲潘麀  
生仁和譚仲脩皆錄副以去去夏追暑秋涇遴選近  
人詞又得數家合鈔一冊攜之江右日置案頭涇縣  
朱幼拙見而愛之遂付削氏介存齋之論詞云詞小  
技也以一人之心思才力進退古人未必盡無遺憾  
予深有味乎其言而未敢遽以自信也請質諸海內  
之工倚聲者光緒二十有四年歲在戊戌春二月旣  
望嘉興張鳴珂窳翁時年政七十

第价·40



369